

**U G O V O R O I Z V O Đ E N J U G R A Đ E V I N S K O
Z A N A T S K I H R A D O V A N A S A N A C I J I K R O V A
u ulici Envera Šehovića**

UGOVORNE STRANE

1. »GALBOLS« d.o.o. Sarajevo, ulica Milana Preloga broj 19, koje zastupa direktor Džemo Karačić, (u daljem tekstu Izvođač radova)
2. MINISTARSTVO UNUTRAŠNJIH POSLOVA KANTONA SARAJEVO, ulica La Benevolencija broj 16, koje zastupa ministar Admir Katica, (u daljem tekstu Naručilac radova)

PREDMET UGOVORA

Član 1.

Predmet ovog ugovora je nabavka građevinsko zanatskih radova na sanaciji krova u ulici Envera Šehovića za potrebe Ministarstva unutrašnjih poslova Kantona Sarajevo, na osnovu Odluke o izboru najpovoljnijeg ponuđača broj: 01-11-4-5316-7 od 27.11.2020. godine, a nakon provedenog konkurentskog zahtijeva za dostavu ponuda po Obavještenju o nabavci broj 1364-7-3-66-3-54/20 od 26.10.2020. godine.

Ponuda Izvođača radova broj: 157/20 od 07.12.2020. godine sastavni je dio ovog ugovora.

CIJENA

Član 2.

Ukupna vrijednost za nabavku građevinsko zanatskih radova na sanaciji krova u ulici Envera Šehovića iznosi 33.274,80 KM sa PDV-om (tridesettrihiljedvjestotinesedamdesetčetiri i 80/100).

Cijene iz Ponude Izvođača radova su nepromjenjive za vrijeme trajanja ugovora.

Osnova za utvrđivanje vrijednosti radova je ponuda Izvođača radova koja obuhvata slijedeće:

- Pripremni radovi (demontaža i skidanje pokrova od crijepa, lima i konstrukcije krova i odvoz šuta na gradsku deponiju...i dr.
- Krovopokrivački radovi (nabavka materijala i postavljanje konstrukcije i pokrova)
- Montažerski radovi
- Gromobranske instalacije (nabavka i instaliranje)
- Ostali radovi
- Nepredviđeni radovi (5% od ukupne vrijednosti radova)

NAČIN PLAĆANJA

Član 3.

Naručilac radova se obavezuje platiti ugovorenu vrijednost radova iz člana 2. u roku od 30 (trideset) dana od dana ispostavljanja situacije za izvedene radove.

ROK IZVOĐENJA RADOVA

Član 4.

Rok izvođenja građevinsko zanatskih radova na sanaciji krova u ulici Envera Šehovića je 45 (četrdeset pet) dana od dana potpisivanja ugovora i uvođenja Izvođača radova u posao.

GARANCIJA

Član 5.

Garancija na izvedene radove i ugrađeni materijal je 24 (dvadeset četiri) mjeseca od dana prijema radova i ispostavljene okončane situacije.

Izvođač radova je dužan dostaviti garanciju banke za dobro izvršenje ugovorenog posla u iznosu 10% od vrijednosti ugovora u roku od 10 dana od dana potpisivanja ugovora. Nadzor nad izvođenjem radova će vršiti Zavod za izgradnju Kantona Sarajevo putem svojih predstavnika.

U slučaju kašnjenja u izvođenju radova, do kojeg je došlo krivicom izabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručenih radova, za svaki dan kašnjenja urednog ispunjenja obaveza, s tim da ukupan iznos ugovorene kazne ne može preći 10% od ukupno ugovorene vrijednosti predmetnog ugovora. Odabrani ponuđač je dužan ugovorenu kaznu platiti u roku od 7 (sedam) dana od dana prijema zahtijeva za plaćanje od strane ugovornog organa.

Član 6.

Sve naknadne troškove nastale nakon izvršenih radova, a koje se odnose na neodgovarajući kvalitet, osim šteta koje izazove primalac radova ili koje nastanu njegovim uticajem, snosit će Izvođač radova i sve takve eventualne nedostatke bit će za Naručioca radova besplatno izvršene.

TRAJANJE UGOVORA

Član 7.

Ovaj Ugovor stupa na snagu danom potpisivanja ovlaštenih predstavnika obje ugovorne strane i zaključuje se do konačne realizacije ugovora.

PRELAZNE I ZAVRŠNE ODREDBE

Član 8.

Ugovorne strane su saglasne da sva eventualno sporna pitanja rješavaju sporazumno.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 9.

Ovaj ugovor sačinjen je u šest istovjetnih primjerka, od kojih svaka ugovorna strana zadržava po tri primjerka.

IZVOĐAČ RADOVA
GALBOLS DOO SARAJEVO

direktor, Džemo Karadžić

Datum: 30.04 /21.

Broj: 061 /21.



NARUČILAC RADOVA
MINISTARSTVO KANTONA SARAJEVO

Ministar, Admir Katica

Datum: 12.04.2021.

Broj: 01-11-4-5316-8/21.